ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ԿԵՆՏՐՈՆԱԿԱՆ ԸՆՏՐԱԿԱՆ ՀԱՆՁՆԱԺՈՂՈՎ

31 հունվարի 2023 թ. ք. Երևան N 3-U

ՍՎՈՅՈՂՈ

ԸՆՏՐՈՒԹՅՈՒՆՆԵՐԻՆ ՄԱՍՆԱԿՑԵԼՈՒ ՀԱՄԱՐ ՕԳՏԱՀԱՇԻՎ ՍՏԱՆԱԼՈՒ ՆՊԱՏԱԿՈՎ ԿԵՆՏՐՈՆԱԿԱՆ ԸՆՏՐԱԿԱՆ ՀԱՆՁՆԱԺՈՂՈՎԻ ՊԱՇՏՈՆԱԿԱՆ ԿԱՅՔՈՒՄ ԿՈՒՍԱԿՑՈՒԹՅԱՆ, ԿՈՒՍԱԿՑՈՒԹՅՈՒՆՆԵՐԻ ԴԱՇԻՆՔԻ ԳՐԱՆՑՄԱՆ ԵՎ ԸՆՏՐԱԿԱՆ ՑՈՒՑԱԿԻ ՁԵՎԱՎՈՐՄԱՆ ԿԱՐԳԸ ՍԱՀՄԱՆԵԼՈՒ ՄԱՍԻՆ

Ղեկավարվելով «Հայաստանի Հանրապետության ընտրական օրենսգիրք» Հայաստանի Հանրապետության սահմանադրական օրենքի 8.1-րդ հոդվածի 2-րդ մասով, 51-րդ հոդվածի 2-րդ մասի 13-րդ կետով, 81-րդ, 83-րդ, 84-րդ, 129-րդ, 130-րդ հոդվածներով՝ Հայաստանի Հանրապետության կենտրոնական ընտրական հանձնաժողովը

በቦበ**Շ**በՒՄ Է.

- 1. Սահմանել ընտրություններին մասնակցելու համար օգտահաշիվ ստանալու նպատակով Կենտրոնական ընտրական հանձնաժողովի պաշտոնական կայքում կուսակցության, կուսակցությունների դաշինքի գրանցման և ընտրական ցուցակի ձևավորման կարգը՝ համաձայն N 1 հավելվածի։
- 2. Սահմանել օգտահաշիվ ստանալու նպատակով Կենտրոնական ընտրական հանձնաժողովին ներկայացվող դիմումի էլեկտրոնային ձևաթղթի ձևը՝ համաձայն N 2 հավելվածի։

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԵՆՏՐՈՆԱԿԱՆ ԸՆՏՐԱԿԱՆ ՀԱՆՁՆԱԺՈՂՈՎԻ ՆԱԽԱԳԱՀ

Վ.Հովակիմյան

ԿԱՐԳ

ԸՆՏՐՈՒԹՅՈՒՆՆԵՐԻՆ ՄԱՍՆԱԿՑԵԼՈՒ ՀԱՄԱՐ ՕԳՏԱՀԱՇԻՎ ՍՏԱՆԱԼՈՒ ՆՊԱՏԱԿՈՎ ԿԵՆՏՐՈՆԱԿԱՆ ԸՆՏՐԱԿԱՆ ՀԱՆՁՆԱԺՈՂՈՎԻ ՊԱՇՏՈՆԱԿԱՆ ԿԱՅՔՈՒՄ ԿՈՒՍԱԿՑՈՒԹՅԱՆ, ԿՈՒՍԱԿՑՈՒԹՅՈՒՆՆԵՐԻ ԴԱՇԻՆՔԻ ԳՐԱՆՑՄԱՆ ԵՎ ԸՆՏՐԱԿԱՆ ՑՈՒՑԱԿԻ ՁԵՎԱՎՈՐՄԱՆ

- 1. Սույն կարգով կարգավորվում են ընտրություններին մասնակցելու համար օգտահաշիվ ստանալու նպատակով Կենտրոնական ընտրական հանձնաժողովի (այսուհետ՝ Հանձնաժողով) պաշտոնական կայքում կուսակցության, կուսակցությունների դաշինքի գրանցման և կուսակցության, կուսակցությունների դաշինքի ընտրական ցուցակի էլեկտրոնային եղանակով ձևավորման հետ կապված հարաբերությունները։
- 2. Ընտրություններին մասնակցելու համար կուսակցությունը, կուսակցությունների դաշինքն օգտահաշիվ ստանալու նպատակով Հանձնաժողով է ներկայացնում դիմում (այսուհետ՝ Դիմում)՝ Հանձնաժողովի սահմանած էլեկտրոնային եղանակով դիմումների ներկայացման կարգով։
- 3. Դիմումի էլեկտրոնային ձևաթուղթը ներբեռնվում է Հանձնաժողովի համացանցային կայքից, որը կուսակցության, կուսակցությունների դաշինքի կողմից լրացվելուց և էլեկտրոնային թվային ստորագրությամբ հաստատվելուց հետո՝ էլեկտրոնային հարթակի միջոցով ներկայացվում է Հանձնաժողով։ Դիմումը պետք է պարունակի դիմող կուսակցության, կուսակցությունների դաշինքի անվանումը, դեպքում՝ նաև կուսակցությունների կուսակցությունների դաշինքի ընդգրկված կուսակցությունների անվանումները, այն ընտրության (ընտրությունների) անվանումը (անվանումները), որին (որոնց) կուսակցությունը, կուսակցությունների դաշինքը մտադիր է մասնակցելու, տեղական ինքնակառավարման մարմինների ընտրությունների դեպքում՝ նաև մարզը և համայնքը, օգտահաշիվ ստանալու համար պատասխանատուի անունը, ազգանունը, հայրանունը, հեռախոսահամարը, ինչպես նաև էլեկտրոնային փոստի հասցե, որին օգտահաշիվը պետք է ուղարկվի։

Էլեկտրոնային հարթակի միջոցով ներկայացված դիմումի տրման ամսաթիվը և ժամն ամրագրվում է ինքնաշխատ եղանակով։ Էլեկտրոնային հարթակի միջոցով ներկայացված դիմումը պետք է ներկայացվի «Էլեկտրոնային փաստաթղթի և էլեկտրոնային թվային ստորագրության մասին» Հայաստանի Հանրապետության օրենքով սահմանված էլեկտրոնային թվային ստորագրությամբ։

Էլեկտրոնային հարթակի միջոցով առանց էլեկտրոնային թվային ստորագրությամբ ներկայացված դիմումները չեն քննարկվում։ Եթե դիմումը ստորագրված չէ այն անձի կողմից, որն իրավասու է առանց լիազորագրի ներկայացնել կազմակերպությունը, ապա պետք է ներկայացվի նաև օրենքով սահմանված կարգով տրված լիազորագիր։

- 4. Դիմումը Հանձնաժողով կարող է ներկայացվել ընտրությունների ժամանակացույցը Հանձնաժողովի պաշտոնական կայքում հրապարակելուց հետո, բայց ոչ ուշ, քան «Հայաստանի Հանրապետության ընտրական օրենսգիրք» Հայաստանի Հանրապետության սահմանադրական օրենքով (այսուհետ՝ Ընտրական օրենսգիրք) կուսակցությունների, կուսակցությունների դաշինքների գրանցման համար փաստաթղթերը համապատասխան ընտրական հանձնաժողով ներկայացնելու համար սահմանված վերջնաժամկետը։
- 5. Օգտահաշիվը թույլ է տալիս կուսակցությանը, կուսակցությունների դաշինքին իրականացնելու հետևյալ գրանցումները՝
 - 1) Էլեկտրոնային եղանակով ձևավորելու կուսակցության, կուսակցությունների դաշինքի ընտրական ցուցակը, իսկ կուսակցությունների դաշինքի դեպքում՝ նաև կուսակցությունների դաշինքում ընդգրկված կուսակցությունների ընտրական ցուցակները,
 - 2) փոփոխություններ կատարել կուսակցության, կուսակցությունների դաշինքի ընտրական ցուցակներում,
 - 3) ինքնաշխատ կերպով ներբեռնել և տպել կուսակցության, կուսակցությունների դաշինքի, կուսակցությունների դաշինքում ընդգրկված կուսակցությունների ընտրական ցուցակները։
- 6. Կենտրոնական ընտրական հանձնաժողովի պաշտոնական կայքի «Ընտրական ցուցակների առցանց մուտքագրման համակարգ»-ի (այսուհետ՝ Համակարգ) միջոցով կուսակցությունը, կուսակցությունների դաշինքը ներմուծում է ընտրական ցուցակում ընդգրկվող անձանց տվյալները՝ ձևավորելով կուսակցության, կուսակցությունների դաշինքի (այդ թվում՝ դաշինքում ընդգրկված կուսակցությունների) ընտրական ցուցակի (ցուցակների) էլեկտրոնային տարբերակը (այսուհետ՝ էլեկտրոնային ընտրական ցուցակ)։

Համակարգի միջոցով ձևավորված ընտրական ցուցակները պետք է համապատասխանեն Ընտրական օրենսգրքով ընտրական ցուցակներին ներկայացվող պահանջներին։

- 7. Կուսակցությունը, կուսակցությունների դաշինքն ընտրական ցուցակը ձևավորելուց հետո այն ներբեռնում է Մայքրոսոֆթ Էքզել (Microsoft Excel) ձևաչափով և թղթային եղանակով ևս ներկայացնում է գրանցումն իրականացնող ընտրական հանձնաժողով։
- 8. Կուսակցությունը, կուսակցությունների դաշինքը պատասխանատու է էլեկտրոնային ընտրական ցուցակի (ցուցակների) և թղթային եղանակով համապատասխան ընտրական հանձնաժողով ներկայացված ընտրական ցուցակի (ցուցակների) նույնականության համար։

Էլեկտրոնային ընտրական ցուցակի (ցուցակների) և թղթային եղանակով ներկայացված ընտրական ցուցակի (ցուցակների) միջև տարբերություններ հայտնաբերելու դեպքում հիմք է ընդունվում էլեկտրոնային ընտրական ցուցակը (ցուցակները)։

Հանձնաժողովի պաշտոնական կայքում Ընտրական օրենսգրքով սահմանված կարգով և ժամկետում հրապարակվում են ընտրություններին մասնակցող կուսակցությունների, կուսակցությունների դաշինքների էլեկտրոնային ընտրական ցուցակները։

9. Կուսակցությանը, կուսակցությունների դաշինքին տրամադրված օգտահաշվով գրանցումներ կատարելու վերջնաժամկետը Ընտրական օրենսգրքով կուսակցությունների, կուսակցությունների դաշինքների գրանցման համար փաստաթղթերը համապատասխան ընտրական հանձնաժողով ներկայացնելու համար սահմանված վերջնաժամկետն է, որից հետո օգտահաշվով գրանցումներ կատարելու հնարավորությունը կասեցվում է։

Հավելված 2 Հայաստանի Հանրապետության կենտրոնական ընտրական հանձնաժողովի 2023 թ. հունվարի 31-ի N 3-Ա որոշման

Հայաստանի Հանրապետության կենտրոնական ընտրական հանձնաժողովին

Դիմում

[Կուսակցության, կուսակցություննե կուսակցությունների դաշինքը, որում	ընդգրկված են _		կուսակցությունը, ոծ կուսակցությունների անվանումները
դիմում է —			
20_ թվականի «_ ընտրական ցուցակն առցանց կուսակցությանը (կուսակցություննե տվյալներ (օգտահաշիվ)՝ օգտվողի ան Կուսակցության (կուսակցությո	ձևավորելու l երի դաշինքին՝ նուն և ծածկագի	ւ ներկայացն) համակարգ ւր, տրամադրել։	ւելու նպատակով մուտք գործելու ու համար։
նշվում է պատասխանատուի ազգանունը, անունը, հայրանունը			-
իեռախոս՝ +374 (<u> </u>)		
էլ. փոստ՝			
	Կուսակցության (կո	ւսակցությունների դաշինքու	ւմ ընդգրկված կուսակցությունների)
Ч.S.	ղեկ։ 		ւնը, ազգանունը, ստորագրությունը
	((>>	20 г.